

LAMPSANA ADENOPHORA Boiss.

L. annua a basi tota pilis brevibus densis patulis glandulosis obsita, foliis radicalibus inferioribusque interruptè lyratis lobis repando-dentatis, caulinis superioribus lanceolato-linearibus integris, inflorescentiâ compositâ paniculato-corymbosâ, ramis dichotomo-divaricatis, pedicellis involucri sublongioribus, involucri basi breviter calyculati squamis lineari-lanceolatis obtusis secùs lineam mediam piloso-glandulosis, floribus croceis involucri duplò longioribus.

L. grandiflora var. β . DC. Prodr.

Hab. in umbrosis *Tmoli* suprâ Philadelphiam, *Olympi Bithyni* Aucher N° 3365.

Pulchra species a *L. communi* indumento florumque magnitudine distinctissima. *L. grandiflora* et *intermedia* MB. quas pro unâ et eâdem specie habeo, a meâ plantâ facilè distinguntur radice perenni, indumento vel nullo vel in plantæ parte superiori parcissimo, foliis caulinis superioribus oblongis dentatis, inflorescentiâ simplici corymbosâ, capitulis dimidiò majoribus, floribus pallidè flavis. Folia radicalia ferè *Crepidis interruptæ*. Culturâ non mutatur.

TRAGOPOGON LATIFOLIUM Boiss.

T. bienne, radice tenui elongatâ, caule erecto elato infernè parcè tomentoso supernè glabro folioso simplici rarius parcissimè ramoso, foliis supernè glabriusculis infernè breviter et adpressè hirsutis latè ovato-oblongis abruptè et longè attenuato-acuminatis basi subamplexicaulibus 8-12 nerviis margine integris subundulatis superioribus minoribus lanceolatis, pedunculis longis fistulosis apice vix incrassatis, involucri sub 12 phylli foliolis glabrescentibus lanceolatis longè acuminatis, flosculis marginalibus involucri longioribus, achæniis marginalibus glabris in rostrum eis dimidiò brevius attenuatis squamato-muricatis.

Hab. inter segetes *Cariæ*, legi florif. et fructif. Junio 1842 in planitie ad meridiem *Cadmi* sitâ, Chr. Pinard in *Cariâ* interiori æst. 1843.

Caulis pedalis vel sesquipedalis sæpius simplex rarius ramo laterali uno alterove instructus internè striatus, folia inferiora 3-4 pollices longa $\frac{3}{4}$ -1 $\frac{1}{2}$ pollicem lata, capitulum magnum diametro 2-2 $\frac{1}{2}$ pollices latum, involucri phylla 12-15 lineas longa basi 2 lineas lata. Pulchra species inter omnes foliorum latitudine et formâ distinctissima.

PODOSPERMUM CARIENSE Boiss.

P. bienne, caule erecto parcè ramoso glabrescente, foliis elongatis pinnatipartitis, rachi longissimâ lineari, lobis elongatis patulis deflexisve lineari-subulatis acutis apice lanato-penicillatis cæterum glabris sub lente margine scabridis, foliis supremis abbreviatis laciniis capillaribus, capitulis longè pedunculatis, involucri internè lanato-nivei squamis lanceolatis obtusiusculis externis dimidiò brevioribus apice lanato-penicillatis internis glabrescentibus, flosculis exterioribus involucri duplò longioribus.

Hab. in *Cariâ* ubi æst. 1843 legit Chr. Pinard.

Caulis sesquipedalis, folia 6-9 pollicaria costâ mediâ 1-2 lineas latâ ultrâ ultimas lacinias sæpè tres pollices longâ, laciniæ pollicares lineas $\frac{1}{2}$ -1 latæ. Capitula magnitudinis *Scorzoneræ villosæ*.

Pulchra species pulvinulis lanæ albæ ad apicem laciniarum et involucri squamarum sitæ, laciniarum longitudine et angustie notabilis; a *P. calcitrapifolio*, *laciniato* et affinibus cæteris neglectis floribus involucri duplò longioribus nec hoc vix superantibus diversa. Hoc caractere ad *P. Jacquinianum* accedit quod radice perenni fasciculos steriles edente nec bienni a meo longè recedit.

SCORZONERA CARIENSIS Boiss. (Sect. *Euscorzoneræ* DC.)

S. parcè araneoso-pubescens sæpè glabrescens multicaulis, radice elongatâ tuberosâ, caulibus brevibus simplicibus aut basi dichotomis foliosisque ascendentibus, foliis radicalibus oblongis in petiolum attenuatis, caulinis lanceolatis, omnibus apice attenuatis undulato-sinuatis margine tenuissimè crispulis, capitulis longissimè pedunculatis nudis, involucri glabri squamis lanceolatis obtusis membranaceo-marginatis, flosculis luteis involucri paulò superantibus, achæniis glabris striâ-